



CENTRALE BANK VAN ARUBA

ENCUESTA RIBA CONFIANSA DI CONSUMIDOR – JUNI 2012

Comunicado di prensa¹

Durante di e periodo di 22 di Juni te cu 8 di Juli 2012, Banco Central di Aruba (BCA) lo tene e di dos encuesta riba e confiansa di consumidor na Aruba, e asina yama “Consumer Confidence Survey” (CCS), pa e aña aki. E CCS ta consisti di 21 pregunta di opcion multiple (“multiple choice”) relata na e percepcionnan y expectativanan di e pueblo Arubano tocante e estado di e economia Arubano y di nan habito di consumo.

E CCS ta provee BCA cu informacion valioso cual e ta usa den su analisis y proyeccionnan macro-economico. Tambe e encuesta aki ta midi e sentimento di consumidornan Arubano cual ta duna un miho bista riba desaroyonan economico. Adicionalmente, e CCS tambe lo por asisti ora di determina accionnan y manehonan economico. E resultadonan di e encuesta aki lo wordo compara cu e prome encuesta (di 26 di Maart te cu 12 di April) pa analisa e cambio den e sentimentonan di e pueblo Arubano.

Mescos cu e prome encuesta BCA lo manda 5 persona kende lo encuesta un total di 400 persona pa adkiri datonan importante. Encuestadornan lo ta staciona na diferente lugarnan strategico riba e isla manera registro civil y oficina di post, y lo tin un carnet di identificacion y un carta di notificacion como prueba cu nan ta trahando den nomber di BCA. Door cu e preguntanan na e consumidornan lo ta cortico (*p.e., lo bo por bisa cu bo persona (y bo famia) ta financieramente mihor, peor, of mesun cos para compara cu 6 luna pasa?*), e entrevista no lo tuma mas cu 10 minuut pa completa.

Mirando e importancia di e CCS pa Aruba, BCA ta haci un suplica na e pueblo Arubano pa coopera completamente cu e encuesta aki. Tur persona entrevista por ta sigur cu BCA lo trata e informacion colecta di e encuesta cu e maximo nivel di confidencialidad y lo publica e resultado solamente den un forma agrega. Personanan cu lo desea di hanja mas informacion riba e encuesta por tuma contacto cu Sra. Elmelynn Croes (tel. 5252230; e-mail e.croes@cbaruba.org) of Sr. Jonathan Upegui (tel. 5252215; e-mail j.uegui@cbaruba.org) di e Departamento di Investigacion di BCA.

Banco Central di Aruba
22 di Juni, 2012

¹ E original na Ingles ta prevalence.